

竹林女科證治卷二

安胎下

暗產須知

婦人受胎在腹七日一變展轉相成各有相生今婦人墮胎在三五七月者多在二四六月者少臟陰而腑陽三月屬心五月屬脾七月屬肺當在五臟之脈陰常易虧故多墮耳此其可知者也惟一月墮胎人皆不知有胎但謂不孕不知其已受孕而墮也一日屬肝怒則墮多洗下體則竅開亦墮既墮一次則肝脈受傷他次亦必如期而墮今之無子者大半是一



月暗墜非盡不孕也故凡初交之後最宜將息切勿
交接以擾子宮勿怒勿勞勿舉動勿洗浴而又常腹
養血順氣之藥

方見下文妊娠至寶
條中實證選用可也

胎可保矣

妊娠至寶

墮胎乃血虛氣弱不能榮養而自墮譬諸草木枝枯
則菓落藤萎則花墜而胎亦如之蓋氣虛則提攝不
固血虛則灌溉不周是以胎墮故善保胎者必當專
補氣血以胎元飲爲主而加減用之次則芎歸補中
湯泰山磐石散千金保胎丸保胎無憂丸皆奪造化
之功妊娠之至寶也

胎元飲 治婦人衝任失守胎元不固隨證
加減用之或間日或三日服一劑

人參 隨宜 當歸 杜仲 鹽水炒 白芍 各二錢 熟地 錢三

白朮 蜜炙一分 炙甘草 一錢 陳皮 七分無

水二鍾煎七分食遠服如下元不固而多遺濁者

加山藥補骨脂五味子 各一錢 氣分虛甚者倍白朮

加黃芪 蜜一錢但畏尤氣浮能滯胃口補
胸膈有飽悶不快者須慎用之 虛而兼寒多嘔者加炮

姜 七八分 虛而兼熱者加黃芩 一錢 或加生地黃

二錢去 陰虛小腹痛加枸杞 二錢 多怒氣逆者加香

附製 七分 或加砂仁 七分 若有所觸而動血者加川續

斷炒阿膠 炒珠各一二錢 嘔吐不止加半夏 姜汁製炒生



姜三五片

芎歸補中湯

治妊娠氣血兩虛半產

川芎

當歸

黃芪

蜜炙

白朮

蜜炙

人參

白芍

炒

杜仲

鹽水斷絲炒

五味子

炒杵

阿膠

蛤粉炒

艾葉

各一錢

甘草

炙五分

水二鍾煎七分服

泰山盤石散

治婦人氣血兩虛或肥而不實或瘦而血熱屢有暗胎之患

人參

黃芪

蜜炙

當歸

川續斷

炒

黃芩

各一錢

川芎

白芍

熟地黃

各八分

白朮

蜜炙二錢

甘草

炙

砂仁

各五分

米一撮

水一鍾半煎七分食遠服

俾覺有孕三五日常服一劑永保無墮

如有

熱者倍黃芩少用砂仁胃弱者倍砂仁少用黃芩



千金保胎散
治妊娠腰背疼
痛善於小產

杜仲
四兩同糯
米炒斷絲

川續斷
二兩酒洗

右為末山藥糊丸每服八九十丸空心米飲

保胎無憂丸

黨參
飯上蒸
三次 白朮
蜜炙
勿焦 黃當歸
酒炒各
四兩 熟地黄
酒蒸
六兩

茯苓
乳蒸
三次 山藥
乳蒸
三次 杜仲
姜汁
炒斷絲 白芍
酒炒各
三兩 川芎

炒黑 續斷
酒洗晒
乾五兩 子芩
酒炒 砂仁
炒另
細末 甘草
蜜炙
各一

兩 糯米
炒五
兩

為末蜜丸每服三錢白湯下早晚各一服

惡阻



妊娠之初經脈內閉育養胎元腸胃阻滯散入焦膈
逆氣上冲食飲輒吐此由于宮經脈絡於胃口故逢
食氣引動精氣上衝故惡聞食氣喜啖酸醎四肢倦
怠多臥少起厭厭困懶名曰惡阻俗謂病兒輕者但以所
思之物任意與之必愈甚者宜烏附湯若嘔吐痰水
宜參橘湯若脾胃虛弱宜異功散若痰涎壅滯宜半
夏茯苓湯若嘔吐清水惡寒發熱宜白朮散或體肥
惡阻痰必盛宜加味六君湯體瘦惡阻火必多宜加
味溫膽湯若飲食停滯胸膈脹悶宜和中飲若胸背
脹滿宜芩連半夏湯若腹中疼痛宜和胃飲若暴怒

氣逆胎氣上逼而嘔吐者宜解肝煎

烏附湯

烏藥

香附

製

白朮

蜜炙

陳皮

各一錢

人參

炙甘草

各八分

姜三片水鍾半煎七分服吐甚者加

丁香七粒

參橘湯

人參

陳皮

麥冬

去心

白朮

蜜炙各一錢

厚樸

姜製 茯苓

各五分

炙甘草

三分

淡竹茹

一丸

姜三片水煎温服

異功散

人參

白朮

蜜炙

茯苓

炙甘草

陳皮

各一錢

姜三片棗二枚水煎服



半夏茯苓湯

白朮 蜜炙 二錢 半夏 湯泡 炒黃 陳皮 砂仁 各一錢 炒 茯苓 二錢 炙

甘草 五分 姜三片 棗二枚 烏梅一個 水煎服

白朮散

白朮 蜜炙 二錢 人參 一錢 丁香 六分 甘草 三分 姜三片 水煎服

加味六君湯

人參 白朮 蜜炙 茯苓 陳皮 半夏 湯泡 炒黃 枳殼 麩炒

各一錢 炙甘草 五分 姜三片 棗二枚 水一鍾 半煎七分服

加味溫膽湯

麥冬 去心 二錢 陳皮 半夏 湯泡 炒黃 茯苓 枳實 姜製 麩炒



黃芩

蘆根

竹茹

各一錢

黃連

姜製

炙甘草

各五分

姜三片棗二枚水煎湯服

和中飲

茯苓

陳皮

半夏

湯泡炒黃

厚樸

姜製各一錢半

山查肉

扁豆

炒各二錢

甘草

五分

砂仁

七分

姜三片水煎服如火鬱於上加山梔仁

炒一錢

芩連半夏湯

黃芩

一錢二分

白朮

蜜炙

半夏

姜製炒黃

赤茯苓

各一錢

黃連

當歸

根殼

麩炒

香附

製

人參

蒼朮

米泔浸

砂仁

甘草

各五分

姜七片

水煎服



北京中医药大学图书馆

和胃飲

陳皮 桔梗 厚樸 姜製 小茴香 益智仁

各入 砂仁 五分 蒼朮 米泔浸 四分 甘草 三分 水煎服

解肝煎

陳皮 半夏 姜製 厚樸 姜製 茯苓 各一錢 蘇葉 白

芍 各一錢 砂仁 七分 姜三片 水煎服

子氣

妊娠三月之後兩足浮腫甚則自脚面腫至腿膝飲食不甘小水流利者屬濕氣為病名曰子氣宜赤苓湯若兩足發腫漸至腿膝或足指縫間出水乃水氣



腫滿之故宜天仙藤散若脾胃虛弱佐以四君子湯未應宜用補中益氣湯兼用逍遙散

赤苓湯

厚樸

姜製

陳皮

去白各八分

蒼朮

米泔浸炒一錢

炙甘草

五分

赤茯苓

桑白皮

各一錢半

姜三片水煎服

天仙藤散

天仙藤

即青木香藤洗畧炒

香附

製陳皮

烏藥

甘草

各一錢

木瓜

三片

蘇葉

四分

姜三片水煎食前服日服二次

以

水盡腫消為度若脾胃虛弱佐以四君子湯

人參白朮

茯苓 甘草 各八分



補中益氣湯

人參 黃芪 蜜炙

白朮 蜜炙

甘草 炙各一錢五分

當歸 錢

陳皮 五分 升麻

柴胡 各三分

姜三片 棗二枚 水煎服

逍遙散

當歸 白朮 蜜炙

白芍 茯苓

甘草 柴胡 各一錢

姜三片 水煎服

子滿

妊娠五六月間腹大異常胸膈脹滿小水不通遍身浮腫名曰子滿此胞中蓄水也若不早治生子手足必然軟短形體殘疾或水下即死宜鯉魚湯



鯉魚湯

白朮

蜜炙 二錢

茯苓

一分 五分

當歸

各一錢

橘紅

鯉魚

一尾不拘大小去鱗 錢白水煮熱取汁

生姜

五片

右將魚汁一鍾半入藥煎至一鍾空心服以水盡

腫消為度如胎死腹中脹悶未除須再服一劑

子腫

妊娠五六月徧身浮腫腹脹喘促高過心胸氣逆不

安小便不利者屬水氣為病名曰子腫

俗云 墻胎

此胎

中有水也宜防已湯若面目虛腫四肢作腫宜全生

白朮散未應佐以四君子湯若下部腫甚宜補中益



氣湯

方見子氣條中

加茯苓

三錢

若脾虛腫滿宜單氏白朮散

若胎前浮腫脾肺俱病者宜五皮散若濕熱腫滿宜
梔子湯

防已湯

防已

赤茯苓

桑白皮

紫蘇葉

各一錢

木香

不見火五分

姜二片水煎服

全生白朮散

白朮

蜜炙一兩

生姜皮

大腹皮

陳皮

茯苓皮

各五錢

為末每服一二錢米飲調下如未應佐以四君子湯

即人參白朮茯苓炙草

各一錢

煎湯調服



單氏白朮散

白朮 蜜炙 當歸 各二錢 人參 一錢 川芎 八分 大腹皮

茯苓 各七分 陳皮 四分 甘草 三分 姜三片水煎服 如水

瀉致腫加山藥扁豆澤瀉

五皮散

大腹皮 桑白皮 茯苓皮 陳皮 生姜皮 各等分

加木香 少許 濃煎半鍾空心服

梔子散

山梔仁 炒 蘿蔔子 炒 等分爲末每服一錢米飲調下

子暈



妊娠七八月忽然卒倒僵仆不省人事頃刻即醒名曰子暈宜葛根湯亦有血虛陰火炎上鼓動其痰而眩暈者宜葛根四物湯亦有氣血兩虛而眩暈者宜八珍湯

葛根湯

葛根

一錢二分

桂枝

去皮

麻黃

去節各八分

芍藥

甘草

各六分

姜三片棗二枚水一鍾半先將麻黃葛根煎至一鍾去沫入諸藥煎七分溫服

葛根四物湯

熟地黃

當歸

川芎

芍藥

各一錢

葛根

秦艽



防風各八分 牡丹皮六分 細辛三分

水煎入竹瀝一盃和勻溫服

八珍湯

人參 白朮蜜炙 茯苓 炙甘草 熟地黃 當歸

白芍 川芎各等分 姜三片棗二枚水煎服

子癇

妊娠中風頸項強直筋脈攣急口噤語澁痰盛昏迷
顛癇發搐不省人事名曰子癇輕則宜四物湯加黃
芩黃連以降火半夏陳皮以化痰更加白朮以燥濕
強脾名曰清痰四物湯甚則角弓反張宜羚羊角散

